

Ch' mi na veui saveje d' nen;
 Chi veul d' crussi, ch' a s' i pia,
 Ch' mi na veui saveje d' nen.
 Cheur giojos 'l Ciel l' agiuta,
 L' è un proverbì bin antich,
 Sta rason chi la disputa
 L' è una testa d' arabich.
 Sta rason, ecc.
 Ste vivend a la ventura
 A l' è l' stat 'l pi giocond,
 Chi del mond pi poch a s' cura,
 L' è padron d' tut 'l mond.
 Chi del mond, ecc.

Il Testamento di Giacomo Tros.

CANZONE XXV.

Mi n' sai pa s' i sia malavi
 Pr la frev o pr la doja,
 J' ai un non so che ch' a m' roja
 Teribilment sul cheur,
 Teribilment sul cheur.
 A m' ven tante caudanne,
 Ch' a m' fan tirè d' pavanne,
 Ohimì pòvr om ch' i meuro!
 Ohimì pòvr om ch' i meuro!
 Marcè, marcè ampò dunna,
 E pieve tanta penna,
 Ciamè un nodar ch' a venna,
 Ch' i veui fè testament, 2
 Tra tant pr cortesia
 Portè ampò d' malvasia
 A còust pòvr om languent. 2

- S' i meuiro, j' arcomando
 Ch' a m' sotro ant una crota,
 Dont ai sia tavota
 Dij bon botai pien d' vin; 2
 Almanch j' avrai quaich viagi,
 Ancor un pò d' suffragi
 Sent agn, e gnanch piè fin. 2
- Feme sonè pr cioche
 An tute j' ostarie,
 Mie cà pi favorie,
 Quartin, pinte e bocai; 2
 Sentiend ste sarabande,
 Le gent da tute bande
 Savran chi l' ha fait i bai. 2
- Con i pè vers la muraja
 I veui ch' me corp a resta,
 Butandme con la testa
 A mira del pongat, 2
 Pr gode coula bagna
 Quand 'l botal a dagna,
 Ma ch' ai sia gnun concat. 2
- Pr torce e pr candeile
 • Porteme singsent sanne
 Tra grande, peite e msanne
 Pienne d' bon vin d' nubieul; 2
 Almanch sta luminaria
 A tam nè 'l vent, nè l' aria,
 Ch' a sofia fin ch' a veul. 2
- Vestime peui coul camus
 Stermà ant la guardaroba,
 Ch' a m' fassa pa una boba
 Ant coust ultim onor; 2
 I l' eu mai pi gavalò
 Dal di ch' i l' ai catalò
 Da Nicola 'l brindor. 2

- Cogeme drint a un arbi,
 Ch' a m' servirà pr cassia,
 Ma fait con bonna grassia,
 E ch' a sia bin vinà; 2
 E pr cussin i m' lasso
 Me car barlat d' frasso,
 Ch' a l' è tant nominà. 2
- Gropeme le man giunte
 D' antorn a na boracia,
 Con la soa bonna cracia,
 E pienna d' breu d' autin; 2
 E an testa una gran bota,
 Tajandie 'l fond da sota,
 Ch' a m' scusa pr bartin. 2
- Notè bin lo ch' i v' dio:
 La mia carcassa morta
 Sens autr i veui ch' a s' porta
 Da dodes botalè, 2
 Con una cuvertassa
 Ambriacà d' vinassa,
 Ch' a m' penda fin sui pè. 2
- I veui pr compagneme
 Dosent brindor an gala,
 Con la soa brinda an spala,
 E so pongon an man; 2
 E sent bronson pr banda,
 Tuti cioch d' vin o branda,
 A cantè fin ch' a podran. 2
- Apres a lor ch' a venno
 Con le piorasse an vista
 E j' osto, e j' obergista,
 Ch' a son ant coust pais; 2
 Piorand la soa sventura,
 Vedend ch' an sepoltura
 Ai va 'l so mei amis. 2

- E pr pi bela pompa,
 A venta ancor ch' ai sia
 A feme compania
 La guardia dij todesch 2
 A l' anviron d'ia bera
 Con la soa bandrojera,
 E so picè d' vin fresch. 2
- Ai quatr canton ch' ai sia
 A tnime la cuverta
 Doi paira dij pi a l' erta,
 E mei marcand da vin; 2
 Vesti tuti da festa,
 Portand un oiro an testa
 Durand tut 'l camin. 2
- Feme marcè a la testa
 Un timbaliè ch' a sona,
 Ch' a bata e ch' a fèrdona
 Su doe gran barai; 2
 An mes a doi trombèta
 Ch' a toco quaich arièta
 Con d' ponghe da botai. 2
- Peui feme con bel ordin
 'Trenè darè dle spale
 Quarant' e ses botale,
 Ch' a son i me canon; 2
 'Tute con la valdrapa
 Bin ansupà ant la rapa,
 Ch' a vada giù a rablon. 2
- Pr strà mi veui ch' a m' canto
 A tuta gran ganassa,
 Massimament an piassa,
 Coula bela canson, 2
 La qual noi i cantavo
 Quand j' stasio a tavo
 A fè voghè 'l pinton. 2

- Passand dnans a j' ansegne,
 I veui peui arcordeve,
 Ch' i staghe ampò a fermeve
 Fin ch' l' osto venna a l' us 2
 Con una gran burnia
 Del mei vin bianc ch' ai sia
 A demne dontrè sprus. 2
- Passà la quarantenna,
 Coust' incumbensa i lasso
 Ai me compagn, ch' a m' fasso
 Marlait un funeral; 2
 An mes d' una cantinna,
 Cantand la brtolinna
 D' antorn al mei botal. 2
- Al di d' me aniversari,
 Fin tant ch' 'l mond a dura,
 Su la mia sepoltura
 Ch' a m' verso un baril d' vin; 2
 Loli pr mia gran gloria,
 A servirà d' memoria
 Ch' i ciupinava bin. 2
- An tute j' ostarie.
 A m' ven la fantasia,
 I veui ch' me nom ai sia
 Ansem al me ritrat; 2
 Ai na sarà pi d' quindes,
 Ch' al vedme a m' faran brindes,
 Ciapà ch' a l' abio 'l rat. 2
- Mia carica i l' armeto
 A Brtromè Bronsogna,
 Ch' a s' fa l' onor ch' a bsogna
 Tratandse pr cimpè; 2
 Tra tuit i me camrada
 Ch' a son ant la brigada,
 J' è gnun ch' ai tenna pè. 2

L' universal erede	
A sarà la mia crica,	
Pr l' amicissia antica,	
L' è 'l manch ch' i peussa fè ;	2
Con pat, ch' an compania	
Tut vada a l' ostarìa,	
Fin ch' ai sia un doidnè.	2
Ch' a m' scrivo con d' vin sul marmo	
Coust epitafi an stampa :	
L' è si slongà ant la tampa	
Coul pover Giaco Tros ;	2
Prchè ch' una sola vota,	
An leu d' andè giù an crota,	
L' è andait a beive al pos.	2
Piè tuit da mi l' esempi	
A beive mai nen d' eva,	
Prchè l' è roba greva,	
Ch' a fa marsè 'l pansat ;	2
Mandela a 'la malora	
S' i veule nen ancora	
Tirè vostr ultim pat.	2

Lamenti di due Serve contro le loro
Padrone.

CANZONE XXVI.

Bondi Margot, com' vala,
 Aidemi ch' i t' ses splufria,
 Aidemi ch' i t' ses splufria,
 I t' smie giust surtia
 Ancheui dal lasarat,
 Dal lasarat ;